



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XXIII. Gregorii Papae I. Ad Ivstinvm Presbytervm. De Leone
episcopo suscipiendo, quem sacramento purgauerat.

urn:nbn:de:hbz:466:1-15221

solum visitasse, sed etiam suscepisse. Quem quidem ipse pro sua simplicitate illic ordinare omnimode renuebam, sed pertinentium importunitas fecit, vt contradicere nullatenus potuisssem. Si autem fieri potest, multum mihi & ipsi consuletis, si eum ad me per Siciliam transmittatis; si tamen ei graue non esse perpenditis. De episcopis vero ad nos pertinentibus, qui tamen hoc pro interpositione hostium venire non possunt, curam vestra fraternitas gerat. Ita tamen vt pro causis suis ad Rauennatem urbem nullatenus reuocentur, nec eos hoc tempore vexare aut fatigare in aliquo videamus. Sed si quas sunt quæ in eis videantur iuste reprehendi, debent semper per fraternitatis vestræ epistolas admoneri. Sin vero, quod absit, aliqua grauiora contigerint, hæc ad nos subtiliter referre vos volumus, vt inquisitionis vestræ testimonio roborati, quæ legibus Canonicisque conueniunt, salubri, iuuante Domino, consilio disponamus.

Mense Julio, indictione decima.

EPISTOLA XXIII.

GREGORII PAPÆ I.

AD IVSTINVM PRESBYTERVM.

De Leone episcopo suscipiendo, quem sacramento purgauerat.

Gregorius Justino presbytero.

HAET hoc proprium antiqui hostis inuidia, vt quos in prauorum actuum perpetratione, Deo sibi resistenti, decipere non valet, opiniones eorum falsas ad præfens simulando dilaceret. Quoniam igitur quædam contra sacerdotale propositum de Leone fratre & copiscopo nostro sinister rumor aspersit, vtrum vera essent, disticta diutius fecimus inquisitione perquiri, & nullam in eo de iis, quæ dicta fuerant, culpam inuenimus. Sed ne quid videretur omissum, quod nostro potuisset dubium cordi remanere, ad beati Petri sacratissimum corpus distincta eum ex abundantia fecimus sacramenta præbere. Quibus præstitis magna sumus exultatione gaufi, quod huiuscmodi experimento innocentia eius euidenter enituit. Pro qua regloria vestra prædictum virum cum omni cari-

Concil. Tom. 13.

KK

Grat. 2. qu.
5. cap. 6.
Iuo p. 5. cap.
309. Bur.
libro 1. cap.
194. Pan.
libro 5. cap.
5.

tate suscipiat , & reuerentiam ei , qualem sacerdoti decet, exhibeat : nec aliqua in cordibus remaneat de iis quæ sunt iam purgata dubietas. Sed ita suprascripto vos episcopo deuotissime oportet in omnibus adhærere , ut congrue decenterque Deum in eius persona , cuius minister est , videamini honorare.

EPISTOLA XXIV.

GREGORII PAPÆ I.

AD EVSEBIVM ABBATEM.

De contentione inter ipsum & Maximianum episcopum.

Gregorius Eusebio abbati.

Ioan. diac.
libro 1. cap.
33.

CREDAT mihi caritas tua quia valde contristatus sum de tristitia tua , ac si in te iniuriam ipse pertulisse m. Sed cum postmodum agnoui , quia etiam reddente reuerendissimo viro fratre & coepiscopo nostro Maximiano gratiam atque communionem , tua dilectio ab eo communicare nolebat , cognoui & illud prius iustum fuisse quod factum est . Seruorum Dei humilitas in afflictionis tempore debet apparere . Qui vero se contra præpositos suos erigunt , profecto ostendunt quia serui Dei esse contemnunt . Et quidem ab illo hoc quod factum est minime fieri debuit , a te tamen omnino debuit * humiliter suscipi : & rursum cum gratiam reddebat , ad eum cum gratiarum actione debuit occurri . Quod quia ita a te factum non est , adhuc cognosco , quia nobis omnino lacrymarum opus est . Non enim grande est iis non esse humiles , a quibus honoramus , quia & hoc sæculares quilibet faciunt . Sed illis maxime humiles esse debemus , a quibus aliqua patimur : nam Psalmista dicit : *Vide humilitatem meam de inimicis meis* . Nos cuius vita sumus , qui humiles esse etiam patribus nolumus ? Proinde , dilectissime fili , rogo ut omnis amaritudo de corde tuo transeat , ne fortasse finis vicinus sit , & antiquus hostis per iniquitatem discordia viam regni cœlestis intercludat . Præterea centum solidos per Petrum subdiaconum dilectioni tua dari fecimus , quos peto ut absque iniuria sui suscipiat .

Psal. 9.